

Имде лий



1933 ий 1 февраль годсек лектеш.

0+

Тыныс илыш, сеңымаш верч!



Снимкыште:
Юлия ЦАРЕГОРОДЦЕВА.

19 август – Гуманитарный полышын тўнямбал кечыже.

Украиныште эртаралтше спецоперацийыште ачана, изана-влак веле огыл сеңымашым лишемдат, тылыште кажне гаяк ег полша. Ты шотышто Шернур кундемаште илыше-шамыч кугу пашам шуктат. Ачамланде сарзе-влакын ешыштын комитетыштын Шернур районысо штабшым С.В.Богданова вуйлата.

– *Ўмаште октябрьыште тукым шольым-влакым Ульяновск олаш наҥгайыме-кышт, гуманитарный полышым куд гана колтенна. Нунылан ятыр вургем, кочкиш да молат кўлыныт. Кызытат районышто погна да олашке наҥгаена. Кугу машинашке опташ полше-*

на. Госпитальлашке вакишым шартышым ургена. Блиндаж сортам ямдылена. Салтак-шамычын поро шомакышт чоннам ырыкта, – ойла Снежана Витальевна (**ўыл снимкыште**).

Поро пашашке ўдыр-рвезе-влакат ушнат. Нуно маскироватлыше сетьым ковашт дене пырля пидыт (**кўшыл снимкыште**). Кызытеш тўшка вий дене 110 сетьым ямдыленит. Тыгак серышым возат. Гуманитарный полышым колтымо



мешакым сорастарат, батальонын, ротын номерыштым, тыланымашыштым серат.

– *Ме кертмына сеҥымаш полшена. Рвезе-влакым мөңгө тазам да сеңымаш дене вучена,* – ойлат йоча-шамыч.

Х.АЛЕКСАНДРОВА.
Фото-влакым еш архив гыч налме.



«Артекыште» канем



Фотом рүдерын архивше гыч налме.

«Артек» тўнямбал йоча рүдерик эн мотор, кумылым нӧлтышӧ верлан шотлалтеш. Тушто кызыт мыят канем. Лагерыш логалаш авам полшен. Ме пытартыш кум ий жапысе диплом ден грамотем-влакым артек.дети сайтеш веранденна. Мый шочмо кундемдын экологийже дене кылдалтше проектлашке, тўрлӧ олимпиадышке, сўрет конкурслашке, спорт таңасымашлашке чўчкыдын ушнем, садлан сенымашем ятыр. Чылаже 344,46 баллым погенам. Индешымше сменыш логалмем нерген июнышто сай увер толын. Марий Эл Республик гыч коло ўдыр-рвезе логалынна. «Морской»

лагерыш миен шумеке, мыланна мотор формым кучыктеныт. Отрядлашке шеледымеке, мыйым «Футбольныйыш» колтеныт. Снимкыште мый ўлыл радамыште пурла гыч пытартыш улам. Тыгак ме келшыше студийым ойыренна. Кызыт «Астрономийыш» коштам. Каш жап йӧршыш уке. Эре у пашалан тунемына, онгай ен-влак дене палыме лийына.

Йоча-шамыч, тыландат «Артекыш» миен толаш темлем. Чолгалыкдам тўрлӧ вере ончыкташ веле ида ӧркәне.

Давид ТИМОФЕЕВ.

Волжск,

2-шо номеран школ.

1939 ий 20 августышто
Г.К.Жуковын вуйлатымыж
почеш совет войска Халхин-Гол эңер
воктене япон войска вшитареш наступленийым тїтталын.

Историйым шергалына

1914 ий 20 августышто Икымше тїнямбал сар годым Гумбиннен ола воктене кредалмаште руш армий немыч войскам сенен. Тиде Эрвел фронтышто икымше сенымаш лийын.

22 август — Россий кугыжаныш тистын кечыже.

Кум тўсан

Кажне элын шке тистыже уло. Российын кум тўсан: ошо, канде да йошкарге. Ош тўс тынысым, арулыкым ончыкта. Канде — кавам, чыным. Йошкарге — патырлыкын да лўддымылыкын тўсышт. Российын флагше нерген книгаште тўткын лудынам. Икымше гана тудым XVII-XVIII курымлаште «Орёл» икымше воен-

ный кораблыште нӧлталыныт. Тиддеч вара тисте икмынгар гана вашталтын гынат, 1991 ийыште ожнысо гайымак кодаш пунчалым луктыныт. Тистын тўрлӧ вере лойгалтмыжым ужомат, кугешныме кумыл ылыжеш.

Артём ИВАНОВ.

Йошкар-Ола,

24-ше №-ан школ.

Российысе увер

Латкуд ийым эртен огыдал гын, йоча экологий кино конкурсышко ушныза. Пўртўсым аралымаш дене кылдалтше роликым войзыза. Шке фотодам, роликым да йодмашым gkv-eco@yandex.ru, meridian-hope@mail.ru, varvara1951@mail.ru адресла дене электрон почтыш колтыза.

Сўретлаш йӧратеда?
5-17 ияш улыда? Тугеже «Символ моей Родины» всероссийский йоча сўрет конкурсышто усталыкдам тергыза. Тўрлӧ технике дене ямдылыме пашам parki-simf@mail.ru адрес дене электрон почтыш колтыза.

5-19 ияш ўдыр-рвезе-влакым «Традиции и культурное наследие народов России» всероссийский конкурс-фестивальыште мастарлыкыштым ончыкташ ўжыт. Тўвыра поянык дене кылдалтше мурым мурыман, куштымашым шындыман да видеош войзыман. Але кидпашам фотошто ончыктыман. Тўрыс увер — festival2023.ru сайтшыште.

Марий Элысе увер

Козьмодемьянск олесе «Паллада» парус клубын юнгыжо-влак «Народная лодка» фестивалыш ушненыт. Татарстан Республикысе Свияжск отро-градшыште пу суднышт дене палдареныт. Фестивальыште «За лучшую постройку деревянного судна» диплом дене палемдалтыныт.

Йошкар-Олаште йўштылмӧ тургымым 31 август марте шуеныт. Ўдыр-рвезе-влак, тўткӧ лийза. Палыдыме верлаште ида йўштыл.

26 августышто «Ночь кино» всероссийский акций эртаралтеш. Марий Элыште районласе кинозаллаште, тўвыра пӧртлаште «Чебурашка», «Вызов», «Праведник» фильм-влакым яра ончаш лиеш.

Арыныште – поро вашлиймаш

Ме пагалыме лудшына-влак дек йӧн лекме семын эреак вашкена. Кодшо кугарнян «Морко мланде», «Кугарня» газет редакций-влакын пашаенгышт дене пырля Морко район Арын селаште «Ўжаран кастене» вашлиймашым эртаренна. Игече шокшо лийын гынат, пайремышке изижат-кугужат вашкен. Ме газетын эртыме корныжо, кызытсе пашаже, марий йылмын кӱлешлыкше нерген чон почын мутланенна. Мурызовлак Геннадий Григорьев, Валентина Булыгина калыкым сылне марий мурышт дене куандареныт. Вашлиймашке Николай ача да черке пелен хорын енге-шамыч ушненыт. Куштылго атлетике дене Российын спорт мастерже Алина Прокопьева Арын кундемыште шочмыж дене кугешнен ойлен. Сылнымутым йӧратыше Вла-

димир Александровшке почеламутшымы лудын.

Арын кундемыште мари йӱлам, тӱвырам, шочмо йылмым жаплыше калыкила. Уста

ен-влакат ятыр улыт. Нунын коклаште – «Ямде лий» газетын 1991-1997 ийласе тӱн редакторжо В.Крылов. Тудо Арын школышто тунемын. Шулдыр Васлийын корныжым тӱналтыш класлам туныктышо О.В.Алексееван вуйлатымыж почеш тунемше-шамыч шуят. Кум-



Авторын фотожо

ло наре йоча газетым альтернативный йӧн дене налеш. Сылнымут пашаштымат чӱчкыдын савыктена. Пайремыште, Олимпиада Васильевналан тауштен, изирак пӧлекым кучыктенна.

«Ўжаран кастене» вашлиймаште икте-весе дене кутыраш, батутышто тӧрштылаш, тамле сийым кочкаш чыла йӧн лийын. Садлан пошкудо ялла гычат йоча-влак (снимкыште) ятырын толыныт. Нуно «Ямде лий» газет дене палыме лийыныт да кылым кучаш сӧренит. Викторинысе йодыш-шамычлан чын вашештен, чапле пӧлекым сенен налыныт.

Х.АЛЕКСАНДРОВА.

Сенгымаш

Марий Элын командыже «Лӱдыкшыдымылык школ» XVII всероссийский танасымаште республикын чапшым арален. Танасымаш Моско кундемыште эртаралтын да Российын тӱрлӧ субъектше гыч 16 командым иквереш чумырен. Лу кече жапыште самырык спортсмен-влак лӱддымылыкштым ончыктеныт, тӱрлӧ танасыште вий-куатыштым, мастарлыкштым тергеныт. Нерская эгер дене, тӱрлӧ чаракым сенен, 16 километрым воленыт. Марий Элын изирак ийготан-шамычын командыже икымше, кугурак-влакын кумшо верлам сенен налыныт.

Кенезым сӧрастарен

Тений кенез канышемым финн-угор лагерь сӧрастарен. Советский район гыч тушто кумытын лийынна. Мый кокымшо отрядышке логалынам. Марий Элын тӱрлӧ ра-

йонжо, финн-угор калыкын илыме кундемла гыч толшо ўдыр-рвезе-влак дене лишкырак палыме лийынам. Вожатыйна-шамыч Ильнара Егорова, Дмитрий Блинов


порылыкышт, полшаш ямде улмышт дене кумылнам савыренит, кеч-могай мероприятий ден конкурсшко куштылгын ушеныт. Финн-угор университетыште мемнам уа воштырым тодаш (снимкыште), кумыж дене пашам ышташ, кӱслем шокташ, кушташ туныктеныт. Мый мӧнгӧ уа воштыр дене тодмо салфетницым да кӱмыжым конденам. Лагерьыште лийме татым, йолташ-влакым ўмырем мучко шарнаш тӱналам. Тушто налме келге шинчымаш школышто пайдале лиш, шонем.

Иван ГОРОХОВ.

Советский, Кельмаксола.



Фотом еш архив гыч налме.



Пашкан гыч Чакмарий марте

Звенигово район Чакмарий школышто марий тўвыралан, йўлалан, краеведенийлан кугу тўткышым ойырат. Тўрлө йõным кучылтын, ўдыр-рвезе-влакым изинек шочмо кундемым шымлаш туныктат. Шымлыме пашам, проектым возымо деч посна легендым сценыште модын ончыктат. Тидлан марий йылмым да литературым, ИКН-ым туныктышо А.А.Андреева шўманда. Тудо «Шонанпыл» театр студийым (снимкыште) вуйлата. Ик эн виян пашашт — «Чакчоран курык» легендым модын ончыктымаш.



— Серызе Сергей Степанович Мичурин-Ятманын «Саскай ден Ўжкче» почеламут дене возымо легендыже уло. Тушто Чакчоран курык нерген ойлалтеш. Курыкышто Чакчоран он илен. Тудо тулык рвезе лийын, чодыраште, янлык коклаште коштын. Ты легенде-

поэмыште чодырам аралы-маш пўсõ йодышлан шот-лалтеш. Меат ике постановкыштына ты йодышымак тарватена, Чакмарий кундемнам моктена, — ойла Антонина Аркадьевна.

Чакмарий ялын лўмжõ кузе шочын, палаш онгай. Легенде почеш, пеш ожно

Урышгьер серысе тумерыште Пашкан лўман марий пõрбен илен. Тудо тале сонарзе, колызо лийын. Кушкын шушо эргыжешамыч шке озанлыкыштым ышташ тарваненыт. Икте ачаж деч тораште огыл суртым чонен. Тиде жап гыч тўрлõ ялым ушышо Чакмарий кундемнын историйже тўналын. Кокымшо эрге латкок менге тораште верланен, да кўкшõ капан улмыжлан кõра ялым Кужмарий манаш тўналыныт. Кумшо эше торашкырак каен, кынем ончен куштен. Мушмарий тукымлан тўналтышым ыштен. Нылымше эрге чодырасе коремыш илаш куснен. Тушто памаш йоргыктен йоген. Садлан ялым Паммарий маныныт.

— Ты кундемнын шочмыжо нерген икмыняр легенде уло. Ме тудым илалше еñ-влак деч йодыштынна. Кажныжым кагазышке возен коденна. Тиде уверым тўрлõ шымлыме пашам ямдылыме годым кучылтына. Чакмарий кундемыште шочмына дене моткоч кугешнана, — ойлалт ўдыр-рвезе-влак.

Х.АЛЕКСАНДРОВА.

Эн чевер

Мый Кокласолаште илем. Тудым эше Коркатово маныт. Пеш шукерте ожно тыште Корка лўман патыр илен манын ойлалт кугыен-влак. Тидын нерген марий сылнымутын классикше С.Г.Чавайн ик произведенийыштыже возен. Кокласолаште Шўргыер уло. Тушто отро ик вер гыч вес верыш «иеш». Легендым шарналташ гын, ер ден отром тале мардеж конден, маныт. Шочмо ялыштем моткоч келша. Тудо эн мотор да эн чевер.

Ксения БОГОЛЮБОВА.
Морко район.

Купсола гоч – Немда

Мотор Купсола ялна вочтеч Немда энгер йоген эрта. Серыштыже тўрлõ кушкыл ден пеледыш кушкыт. Нунын тўзланымыштым, вашталтмыштым эскераш моткоч йõратем. Яндар вўд йогымым ончен шер ок тем. Энгерыште шуко кол уло. Ужава-влакат илат. Чўчкыдын нунын «хорыштым» колаш лиеш. Тений йўштылаш веле пурен шым шукто. Туге гынат кумылем йоршын ок воло.

Костя ШЕХУРДИН.
Шернур район.



Никита ВАСИЛЬЕВЫН
сўретше.

Йошкар-Ола,
26-шо номеран гимназий.

Шүм-чон кана

Кажнын уло шочмо мланде – Юмын пүрымö шепка. Тыште илыш эн чот данле, Тыште вел шүм-чон кана.

Пүрымаш йолгорно дене Ты тўняшке толынна. Аванан ший шөржө дене Ме йырвелым шымленна.

Чу, кертеш мо марий мланде Шочмо йылмым мондыктен? Да кугезынан кидшерже Кырымым кунам чарнен?

Ом мондо шочмо марий мландым, Лач тыште ўмырем шуем. Шкемын марий шўльшемым Шочмо мландыште таптем.

Е.ГРИГОРЬЕВА.

Морко, Шўргыял.

Лумарий корем

Ме Алёна тукым шўжарем дене У Торъял район Кугу Лумарий ялыште жапым эрта-раш йоратена. Тушто Лумарий корем уло. Ожно тудым Овда корно маныныт. Легендым шарналташ гын, тушто овда-влак сўан дене коштыныт. Ковамын каласкалымыж почеш, еншамыч кышаштымат ужыныт. Йыдал нерышт шенгекыла лийын, маныт. Лумарий корем мучко шуко памашшинча уло. Иктаж шым памаш корно иктыш ушнен йога. Тыгайым чыла вере от вашлий!

Медведево, Руэм.

Поян Кугу Вараныж

Ик сылне кенеж кечын ешна дене Морко район Кугу Вараныж ялышке миенна. Ялыш пурымаште кўсото уло. Тудо историй да тўвыра шарныктышлан шотлалтеш. 1827 ийыште тыште кугу тўня кумалтыш эртаралтын. Кугу Варангыжыш вич тўжем утла ег погынен. Эсогыл Виче, Ўпö губернийла гыч толыныт. Верысе калык кызытат кўсотыш кош-теш. Тачысе кечылан отышто вич кумалме вер уло.

Ял йыр ончалат гын, пеш сöралын коеш: постола шарлен вочшо пасу, садер, кугу плотина. Калыкше могай поро кумылан! Марий йўлам жаплен илат. Эсогыл ятырыштын лўмнерышт чылт марла йонга. Тыгай ялыш миен толмеке, чоным марий шўлыш утыр авалта.

Алина СУББОТИНА.

2-шо номеран Морко школ.

Снимкыште: Ксения шўжарем дене пырля.



Фотом еш архив гыч налме.

*Кеч-кушто ом лий,
куш ом кае,
Элемын вий ден чоҥештем.*
В.КОЛУМБ.

Кораксола

Пеш шукерте ожно сип чодыра покшелсе аланышке сонарзе толын лектын. Тудлан вер пеш келшен. Йырваш чодыра гўжлен, лоп верыште яндар вўдан памаш йыргыктен йоген. Кўжгö пистын вуйыштыжо пашаче мўкш-влак ызгеныт. Йырваш тамле пуш шарлен. Чодыра янлыккан, кайык-вусылан поян лийын. Чыла тидым шымлен налмек, сонарзе ты сылне вереш илемым чоҥаш шонен. Ешыжым пеленже конден. Яллан тўналтышым пыштен. Илен-толын, илемыште сурт-влак ешаралтыныт. Чодыраште ала-мо шот дене коракшамыч, «кар-кар-кар» манын, эре йўкланеныт. Садланак яллан Кораксола лўмым пуэныт.

Виктория АЛЕКСАНДРОВА.
Морко район.

Викторине

Куштылго атлетике дене Российын спорт мастерже.



Могай кўшыл тунемме тонежым ончыктым?

Марий Элын сулло артистшын лўмжым палыза.



Тиде тоштер кузе маналтеш? Кушто верланен?



Налме кочкыш аяр мо?

Яллаште илыше пырыс ден пий-влаклат озашт кевытыште налме, нунылан лўмын ямдылыме сийым пукшат. Тыгай кочкыш ныл йолан йолташна-шамычын тазалыкыштым пенгыдемда але, мўнгешла, аярта!

Тиде да моло йодышлан вашмутым Марий Эл Республикысе

вольык, янлык чер ваштареш кучедалме шотышто станцийын вўдышў ветеринар врачше Т.И.Кудрявцева (снимкыште) пуа.

– Татьяна Ивановна, тыгай кочкыш пырыс ден пийлан энгекым ышта мо?

– Налме кочкыш пайдале витамин ден микроэлементлан поян. Но кажныже огыл. Садлан мо гыч, кунам ыштымым тўткын лудман. Пакетысе кочкышым налаш тыршыман.


– Налме кочкыш мо гыч ышталтше лийшаш?

– Белковый янлык компонент 30-40 процент деч шагалак, глютен 5-8 процент, янлык коя 15-18 процент деч шуырак лийшаш

огытыл. Омега-6, тўрлў консервант, ароматизатор, антиоксидант тазалыклан энгекым ыштат.

– Шўр, шыл, шўр дене пырля кевытысе кочкышым пукшаш лиеш?

– Налме кукшо кочкыш тугакат витаминлан поян. Садлан вес сий дене варыме годым аллергии лийын кертеш. Нуно пагарыште тўрлў семын шулат. Кевытыште



налме тўрлў кочкышымат пырля вараш ок лий. Ик кочкыш гыч весыш кусарынеда гын, ик-кок арня жапыште эркин-эркин кусныман.

– Ныл йолан йолташ-влак мўнгысў кочкышым ынешт коч гын, кузе «ондалаш» лиеш?

– Виеш пукшыман огыл. Мўнгысў кочкыш капкыллан энгекым ыштен кертеш. Мутлан, пунышт йогаш тўналеш. Шўрат кажне пырыслан пайдале огыл. Южын организмже – шўр белок ваштареш. Шўр олмеш торыкым, кўчымдорыкым, шолтымдорыкым темлаш лиеш. Ныл йолан йолташдан тазалыкше верч тургыжланеда гын, чыла тидым шотыш налман.

Х.АЛЕКСАНДРОВА мутланен.
Фотом еш архив гыч налме.

Синквейн

Саймон
Сур, мотор.

Модеш, кочкеш, тўрштылеш.
Колым моткоч йўрата.

Пырыс.

Виктория КРАСНОВА.
Морко, Эгерсола.

Люси

Пиемын лўмжў – Люси. Лена кокам изи пинегым конден пуэн. Тунам Люси шўрым гына кочкын. Ынде тудо кугу лийын. Илашыже кудывечеш пўртым ыштен пуэнна. Йўр йўрмў годым тушеч огешат лек. Мый модаш тарванем гын, эре пеленем шўрагыштеш. Ёмбакем тўрштылеш, тувыр урвалтышкеш кержалтеш. Тудат пырля модаш кумылан. Чодыраш кайымеке, пеленна налына. Туштыжо тудлан моткоч келша. Люси – мемнан йолташна.

Ксения АЛЕКСЕЕВА.
Морко, Арын.



Палаш онай

◆ Чихуахуа урлык пий эн изилан шотлалтеш. Тудо улыжат 700-900 грамм нелытан.

◆ Бассет-хаунд урлык пийын пылышыже эн кужу. Тудо изи капан, поктышо пийлан шотлалтеш.

◆ Эн писылан грейхаунд урлык пий шотлалтеш. Тудым сонарыш коштыктат. Грейхаунд шагатыште 90 километр марте писылык дене кудалын кертеш.

Ушкалат – модель

Изам отпускышко толешат, фотосессийыш миен толешак тыршена. Шукертак кўтўштў войзалташ шоненна. Эре мотор тувыр дене веле огыл, паша вургем денат фото лийшаш манын кутырен келшышна. Фотографна ушкалат-влак дене эше нигунам пашам ыштен огыл улмаш. Ныл йолан йолташна-шамыч ынышт торешлане веле манын тургыжланьшына. Уке, нунат шкеныштым модельла шижыч. Ме кажныжын могай улмыжым раш палена. Шукынжо кидышке толыт. Садлан куштылго да онай ыле. Снимкыште мый физкультурым тунуктышо Тамара Алексеевна ушкалатже дене улам.

Марина СТЕПАНОВА.
Волжский, Упшер.
Фотом еш архив гыч налме.



Илен улмаш изи мўкш,
Тудын лўмжō лийын Пўкш.
Модаш моткоч йōратен,
Мўйымат погаш полшен.
Моисей ДАНИЛОВ.
Параньга, Матародо.

Пушеңге ўлыч
нарынчемаш тўналеш –
шыже кужу лиеш.

Калык пале.

Мастар кид

Йоча-влак,
олма гыч

теве тыгай тумнам ыштыза.




Фото: школ архив гыч налме.

Шоган лектыш сай

Калыкыште ойлат: «Ке-неж телым пукша». Садлан ме кажне кенежым школ пакчаште кыртмен пашам ыштена: шўкым кўрына, вўдым шавена. Шукерте огыл шоганым поген нална (**снимкыште**). Тений пеш шолдыра шочын. Индеш йыраңлан лектыш моткоч сай. Телым повар-влак мыланна тамле

да пайдале кочкышым ямдылаш тўналыт. Шоганыште шуко витамин улмым раш палена. Черланена гын, тудо черым тыманмеш «поктен» колта. Йоча-шамыч, пашам ышташ ида оркане. Шке ончен куштымо пакчасаска нимо деч шерге.

Дмитрий ЕГОРОВ.
Морко, Шўргыял.

19 август – Олма спас.

кажне кушкылжо ойыртеманлаш тўналыш.

Ужар олмам кочкат гын, пўет таза лиеш. Нарынчым йōратет – иммунитетет пенгыдемеш. Йошкар олма шўмлан пайдале.

Ик олмапун саскаж гыч нōшмō-влакым шындаш гын,

Электротулым аныклыза



Кажне суртышто холодильник уло. Тудо кидалык жапыште 220-460 киловаттым «кочкеш». Тулым аныклен кучылташ манын:

уто гана ида поч;

жапыштыже левыктыза;

кылмыкташ кыдалаш температурым шындыза;

батарей да плита пелен ида веранде;

холодильникым налме годым «Energy Star» рейтинганым ойырыза;

кочкышым келшыше полкыш опыза. Кўшнō эн шоқшо. Тушто шōрым, сырым, йогуртым аралыза. Ёлнырак юалгырак – кастрюльлан, колбасалан келшыше вер. Эн ёлнō эше йўштырак. Тушан шылым, колым верандыза. Яшлык емыж-саска ден пакчасаскалан келыштаралтын. Омсаштыже писын локтылалтше кочкышым ида арале.

М.ШКЕТАН ЛЎМЕШ МАРИЙ КУГЫЖАНЫШ ДРАМЕ ТЕАТР



27 август
18:00

Марий Кужер
Морко район

Пўртўс лонгаште

М. Рыбаков

МОРКО СЕМ

Драме

Моркинские напевы

12+

Рекламе.

«Ямде лий» газет
Тўг редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamedelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ:
Марий Эл Республикысе
Культур, печать да
калык-влакын пашашт
шотышто министерстве.

Газетым редакцийште
погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный
технологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьште пуымо.

0+

Печатьш пуымо жап –
14-00,
фактически – 13-00

Авторын да редакцийын шоныма-
шышт тўрлō лийын кертыт. Серыш-
влак мōнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пōрт.
Тел. 8(8362) 45-22-82.

Шочмо
Верыште

КОНКУРС



Валерия ВЕТКИНА
(Медведево посёлко).
Посёлкысо пöрт
ончылнысо кудывечыште.



**Ева ден Полина ИБРАГИ-
МОВАМЫТ** (Пошкырт кун-
дем, Нуриман, Палчык).
Коваштлан полшат.



Дарина ПИРОГОВА
(Шернур посёлко).
Посёлко воктенысе
пүртүс лонгаште.

Кроссворд

Н.Ф.Рыбаковын
«Морко сем»
драмыж почеш.




Шола гыч
пурлашке:
3.Марий
ўдырамыш.
4.Чуваш
рвезе. 6.Манюкын
йолташ ўдыржö. 8.Батальон коман-
дир. 9.Марий ўдыр.


Кўшыч ўлыкö:

1.Микалын ачаже. 2.Драмын тўн ге-
ройжо. 5.Ляпай ... 7.Тўн геройын аваже.
В.СМИРНОВ ямдылен.


Сўретым сайынрак
ончалза. Тыште мо
уто да молан!



Треугольник-влакым нарын-
чалге тўс дене, а квадрат-
шамычым канде дене чиялты-
за. Сўретыште мом уждыда!



Судуку



«К» буква дене

Кенеж. Кириллын кока-
же кол когыльым кочне-
же. Кириллым кол кучаш
колтыш. Кастенрак Ки-
рилл кугу каракам кучен
кондыш. Кокаже кучымо
колым кўктыш, кол
когыльым кўэште. Ки-
рилл, кокаже, куанен,
кол когыльым кочкыч.

Настя НИКОЛАЕВА.
Морко, Энерсола.

10 ойыртемем муза.



Интернетысе сўрет-
влакым кучылтмо.